

Ilulissat ulloq 17. December 2014.

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqquq imaattoq saqqummiuppara.

Naalackersuisunut apeqquq:

1. Aalisartut piniartullu anorersuarnerata kingunerisaanik umiatsiaarsertut pisortaniit ikiorneqarnissaminnik qanoq periarfissaqarpat ?

(Inatsisartunut Ilaasortaq Anthon Frederiksen, Partii Naleraq)

Tungavilersuut:

Sapaatip akunnerata siuliani sinerissami anorersuarnerata kingunerisaanik aalisartut piniartullu ilaat umiatsiaaqqaminnit annaasaqarsimapput, naak naliginnaasumik isumannaallissaaneq eqqarsaatigalugu umiatsiap isumannaatsumik pituttorluarneqarsimangaluartut, kisianni anorersuarujussuup pitoraassimanerata kingunerisanik piniartut aalisartullu ilaat inuussutissarsiutiminnik annaasaqarsimapput.

Ukiup taamaalinerani suut tamarmik aalisartukkormiunut piniartukkormiunullu ajornarseruttorfiata nalaani pisoq suli inunnut taakkununga ajornartorsiornerulernermik kinguneqarpoq.

Taakku ilaat pisortanut ikiorneqaqqullutik saaffiginnittarsimangaluarput, kisiannigooq namminersortuummata ikiorsiissutinik tunineqarsinnaanngillat.

Taamaammat Partii Naleraq sinnerlugu naalackersuisunut matumuuna apeqquteqarpunga, inuit taama eqqorneqartut – inuuniarnikkullu allannik periarfissaqanngitsut, pisortaniit qanoq ikiorserneqarsinnaanerata periarfissaqarnera ?

apeqqutip ullut suliffiit qulit qaangiutinnginnerini akissuteqarfigineqarnissaa Partii Naleqqamiit piumasaraarput.